



**President Droupadi Murmu niu Padma Awards 2023 gu pikhaibo tienkam hai Rathraspati Bhavan ga kanahhiu 22 bonai tadkiu ne.**

Page 2

**Western Tangkhul gu Chiang-riak Cha-nee ga Munhu Dr Alyson Abonmai niu Chiangpi thiukhai mide**

Page 2



Zengtung 23 Kanahhiu 2023, Kajannai -Office Gaililong,Tamei. PO-Tamei ,Tml. Dist.Manipur Vol.II. Issue 15 page 1

“Chiudi nangniu tazu phui lujiu chamiu-mareng thi misai kamao boga kao khaijiu, Tacheng-tajai situ kampang jiu nuan kam mibo we.”  
James 2:9

### Tribal Consultative gu makhiam hai kanahhiu 23 bonai tadkiune

#### Imphal, kanah 20:

All Tribal Students’ Union anipur( ATSUM) niu marang khaibo ziangkhat gu “Tribal consultative meeting” hai kanahhiu 23 bonai Amity Hall, Adimjati ga wanchak 10:00am ga tadkiu sune.

Katam tambo tribal gu chaphom, katinah ruangdi, maipui baudi, legislators dung maksai ex-parliamentaries dung, nam-nam ga papi paga kathiu mai khatdi mali dungtu sibo gu makhiam ga wangjiu padam lu khaira ATSUM gu Information nai publicity department lam niu ku khaiye

### Liangmai Pui Naga Ruangdi, manipur gu Annual assembly tadkiulu de.



#### Tamei, kanah 22:

Liangmai Pui Naga Ruangdi ,manipur gu annual assembly cum seminar hai 20-21 kanahhiu ga Puluang namga wiji tadkiulude, siga chamai 110 pasan niu wangjiu padam lukhaiye.

Priscilla Thiumai niu nia takum 6 ruangdi gu bampi phungkhai jiu patu mathak khaibo ngamkam sidi kam khai biye . Liangmai Pui Naga Ruangdi gu President leng research scholar thiubam bo Oklong maipui T.Athonliu tu kasan thiujju kada khaimide.siga leader kasan tu installation si Puluang baptist church gu singku Rev.Romance niu tien khai ye

### Liangmai Naga Council -West zone niu Takum gu Makhiam hai tadkiu khai mide



#### Tamei, kanah 22:

Liangmai Naga Council (LNC)-West Zone gu Takum gu thiujju makhiambo hai kanahiu 22, Kadamnai Tamei Community Hall ga Tadkiu khai mide. Siga LNC-West Zone lung ga bambo nam 10 pasan gu jupou dung wangjiu padam lukhaiye. Siga changam phungjiu bam mai khangsia niu paliu gu term tang ni jiu Changam phungra chamai kasan tudi kada khailan mide chiu we.

### Tamei Tribal Music,Dance and Craft Research Centre niu donsukhaibo tingmik manid khai mide

#### Imphal, kanah 20:

Tamei ga bambo Tamei Tribal Music,Dance & crafts research centre niu 14th foundation day hai thainai Achanbigai Warok no.4 ,koirengei ga changee khaimide.Siga pui-piu len di lenkhai ye,pou-pe lui sidi thiukhaiye ,tacham di dinkhai ye sigasu chagiang dung tu kalen pikhaijiu paliutu zulen khaiye khatdi katiu-kasak tiujiu donsukhaibo tingmik si cha-nee khai mide.

Manipur gu Water Resources and Disaster Management Awangbou Newmai niu chagiang pi thiukhaiye khatdi Cultural Workers and Activist Forum(CWAF), Manipur gu president Budha Chingtham niu wangjiu function president thiukhai ye.

Awangbou Newmai cha -giangpi niu tanjiu aliugu tacheng-chagriak gu pageng lamga dinkhai ye khatdi tuhoi lungbam bo chaken ga aliu niu aliu gu tachiang-chagriak



lam ga sita wangmibo tu kamanang bo dinkhaiye, Siga Budha Chingtham niu di aliugu chingriak lam pi mawisan khangra leng aliu niu chuncham jiu changam kamra pagengbam me chiujiu dinkhai ye. Guru Kentaliu Newmei tu di panai niu kengjiu thonkhaiye.

Siga Guru Kentaliu khatdi pakipiu Prof.Adibo Newmei niudi kentaliu niu “Guru” title doulubo lam ga di dinkhaiye, sironamak jiu Kentaliu niu pah chariujju marankhamibo lamga dinjiu pagu tathui kalubo hina si pakipiu Adibo Newmei don jeng niu we chiujiu dinpad khaiye.

### Nagalad ULB polls haisi tadkiu rabo ye:Zhaleo



#### kohima, kanah 21:

Nagalad Urban Local Bodies (ULBs) gu election haisi government niu dinpad mibo kumjiu tadkiu mira ye chiujiu Urban Development and Municipal Affair gu Adviser Zhaleo Rio niu masan jiu dinpad mide.

Assembly secretariat (NLA) conference Hall ga machanai legislators 60 niu aruang lujiu ma khiam lubosai Zhaleo niu Media mai khuga dinkhai mibo we. Haibo makhiam hai government niu ULB election tadkiura ma maksai tadkiu makralo chiubo lam ga makhiam bo we , sichiujiu Government niu election si tadkiu suira kaden mibo we khatdi siga government niu kali lan lak ge chiujiu Zhaleo niu din ne.

Government niu ULB election hai tadkiura masuangjiu pisikhai mibo si karamhiu 16 ga tadkiura dinkhai mibo we siga 33% reservation si npiimai leng piraye. khatdi Nagaland Municipal Act 2001, lamga chaphom kakeng niu katam tambo issue lam ga dinkhai bo si, department niu mathiu khuga din masan khai mibo si mak jiu kaki dinsan ra hami bowe chiujiu zhaleo niu dinne.

Khatdi Sibo gu Issue lam ga tadkiu bam bo aseembly session ga makhiam thiura ma chiu jiu maniubo ga, Chief Minister niu haibo lamga dinkhai bo suiye chiujiu Zhaleo niu dinne.

### Chalad N-bung

Jatra: Lianglad ga “Takhu/Asyia chiu dinne

## Liangmai Orthography

### 1.7. SECONDARY ALPHA-BET/SYMBOL

Pahangga haibo Secondary Symbol thinrabo lamga len khaiye.

“S nai Sh“

Hai kania gu Pronunciation ra sa chiurabowe (Sha chiu lakge). S niu Primary Symbol thiujui thinne khatdi Sh si Secondary Symbol thiujui thinne. Sh thin rabo sai Negative maksai Deprecative Meaning bambo chalad keng ga thinne. Example, shaibo – ‘dead/death’, sha/shabo – ‘bad’, lungshabo – ‘poor’, and so on. Kakibo ga ra S niu thinne. “Z nai J“Hai kania gu pronunciation ra za chiuwe (dz chiu lakge). Z si Primary Symbol thiujui thin piune khatdi J si Secondary Symbol thiune. Z niu Lexical Word e.g., Noun, Verb, Adverb, etc. ga thinne. Example sai, taza – ‘mouse’, maza – ‘angel’, zaw – ‘wine’, zi – ‘sleep’, etc. J niu Grammatical Words (nai Adverb) ga thinne. Grammatical Words chiu sai Conjunction (-jiu) kumbo tuwe. Example sai, chiujiu, suiuiu, thiujui, etc. Kakibo hina ga ra z thin kamne.

F nai Ph“

pha1 chiubo khon leng ph thinlo. Pariga z nai j, maksai s nai sh kumjiu, fhaidi masuang gasu thinbo zengniu Spelling Vocabulary khangsia tu kam tasi ra, fhaisi thinlo. Bible ga chafai, chafiu kumbo dung tu thin bamme. “Bible ga thin kamakbo hina ra dauidu then thin makne. Chiudi thinbo ga, chaladkeng tu kam tasi padra, thin sai, Bi-syllable Word ga, parathiujiu Noun Word hina ga, paniabo Syllable (Second Syllable of the Word) ga thinlo, e.g. kafiu ‘spade’, kafung ‘plot’, etc. Kakibo leng Verb, Proper Noun kumbo leng f thin makne. Siniu pariga Alphabet ken ra khaibo kumjiu, ph haisi Primary Symbol thiujui thinlo. “C, Q, V, X“Haibo khagiak dung ra tingkum kariu tang makbo lungga Bible ga thin haubo guye. Chiudi pakhon habo donniu haibo dung ra, thin mak ra chapkhaiye

## Karingting Lunlung

“Kuakhaibo tiubose chakak wirabogu wasadui ye”

**President Droupadi Murmu niu Padma Awards 2023 gu pikhaibo tienkam hai Rathraspati Bhavan ga kanahhiu 22 bonai tadkiu ne.**

**New delhi, kanah 21:**

President Droupadi Murmu niu Civil Investiture gu ceremony, Rathraspati Bhavan ga 2023 gu Padma Awards haisi kanahhiu 22 bonai pikhai sune. Padma Awards 106 dinpad boga, 6 niu Padma Vibhushan, Padma Bhushan ga chamai 9 khatdi Padma Shri ga chamai 91. Awards kadou mairong ga su npuimai chamai 19 jou bowe.

P a d m a V i b h u s h a n medicine(pediatrics) lamga

**Kaathi wangbo si Delhi-NCR, J&K nia tou we.**



**New delhi, kanah 21:**

Machanai Kaathi wangbo gasu Delhi khatdi pamung ga bambo namdi kasia ga kadi pawan seconds kasia kumbo tanjiu kadi malai khai ye chiuwe. Haibo kaathi si richter scale ga madatbo ga pagu kataanbo si 6.6 ye chiuwe. India Turkmenistan, Kazakhstan, Pakistan, tajikistan, Uzbekistan, china, Afghanistan khatdi Kyrgyzstan ga haibo kaathi hai wangbo siye khatdi pagu epicentre si afghanistan ga bambo namdi kalafgan gasu 90km kumbo adiubo bam gasu niu bam talak ge chiujiu champao ga dinne. India ga di delhi makbo kaki bo pabam Jammu kashmir, UP gu naimik ngut lam di haibo kaathi si juwag tang ye chiu we.

**India gu space agency ISRO niu rocket dikachangbo si launch thiu sune.**



**Chennai, kanah 20:**

India gu Space agency niu dithubo Rocket LVM3 si kanahhiu 26 bonai nson 9am ga Satish DHawan Space Centre, Sriharikota gasu launch thiura ye chiujiu dinpad mide. ISRO niu karai ga Chagahiu 23rd 2022, khatdi kanahhiu 26, 2022 gadi L M V M 3 mission nia thiujui Rocket si langkhaimibo we.

LVM3 haisi ISRO dungniu NSIL (NewSpace India Limited) gasu taliupadbo we. Khatdi Haibo Rocket niu OneWeb Gen-1 Satellite 36 parit 5,805kg ritbo khatdi 450km maguibo Low Earth Orbit ga pagu inclination 87.4\* si phungra bo we.

LVM3 haisi stage 3 bam bo vehicle ye (three-stage vehicle), siga solid motor S200 nia sinu raibo stage, twin liquid engines L110 sinu second stage khatdi kanambo C25 cryogenic sinu upper stage chiubo we. Haibo 43.5m kubo vehicle si pagu lift-off mass si 643 tonnes ye. kanahhiu 26 bo nai LVM3 launch kambo sinu Rocket's sixth Mission thiura bo we.

Oral Rehydration Solution (ORS) taliupad karaibo piu Dilip Mahalanobis niu दौरा ये. padma Vibhushan public affairs Awards si karai ga Samajwadi party gu papi thiukhaibo Mulayam singh yadav niu doune. Tabla kamsibo Zakir Hussain, kannada novelist khatdi sreencwriter S L Bhyrappa, Industrialist Kumar mangalam Birla khatdi ariak roupad sibo Sudha Murthy paliuniu Padma Vibhushan award si दौरा ये.

**44th Republic Day hai Piulong ga manid khai mide.**

**Tamei, kanah 21:**

Government of the People's Republic Nagalim Nganping battalion niu kanahhiu 2211 bonai Piulong ga 44th Republic day si manid khai mide. Siga GPRN gu collective Leadership member thiubam bo Munhu Karaibou Chawang niu Chagiang-pi thiukhaiye, Sibo tiendon tadkiubo ga jendiu rai mimai tu makum toubo rathoi hai Np Bn gu Chaplain capt. Benjamin niu majangkhaijiu tadkiu khaiye, sigasu Puipiu Len hai Piulong maipui phom niu lengkhai biye.

**Western Tangkhul gu Chiang-riak Cha-ngee ga Munhu Dr Alyson Abonmai niu Cha-giangpi thiukhai mide**

**Ukhrul, kanah 20:**

Munhu Dr Alyson Abonmai niu mennai Western Tangkhul gu Chiang-riak cha-ngee ga Chagiangpi thiujui padam lukhai mide.

Chamai 7000 kumbo wangjiu changee joukhai ye. Dr Alyson hai wangkinbo 2024 gu Outer Parliamentary Election ga Candidate thiujui Chapra marang bam bo kum Western Tangkhul gu chiangriak changee ga wang jou khaibo chamai 7000 niu paleng thoidam pikhaijiu khatdi paliu chunwiji wangkingbo election ga palam pon khai ra ye chiujiu din ne.

## Mathen Cham

**India niu Myanmar tu Tri-Nation gu friendly matchraithubo ga mathenne**



**Imphal, kanah 21:**

Manipur gu capital Imphal ga India gu senior team niu Tri-Nation International Tournament gu Friendly match Mathen raleng wangra raye. Tournament si mathen Sum 3 thiujui tadkiune siga kanahhiu 22 bonai Myanmar tu mathen ne. sibo sai kanahiu 28 bonai Kyrgystan tu mathen ne khatdi Myanmar nai Kyrgystan si kanahhiu 25 bonai mathen raye.